

Powšitkowne WOZJEWJENJA

njedźelu, 1. oktobra 2023

Wusyłanje Božej mše

Serbskorěčnu Božu mšu móža wěriwi tutu njedźelu, 1. oktobra, w 9.00 hodź. z Chróścic jako livestream sčěhować. Link na nju je w interneće pod www.posol.de a na wosadnej stronje podaty.

Oratorij „Wěra, nadźija, lubosć“ zaklinči

Němski oratorij „Wěra, nadźija, lubosć“ serbskeho komponista Feliksa Brojera z Budyšina předstaji wokalowu ansambl TonArt z Münstera tutu njedźelu, 1. oktobra, w 17.00 hodź. w ewangelskej cyrkwi we Wjazońcy a póndźelu, 2. oktobra, w 19.00 hodź. w Budyskej Marje Marćinej cyrkwi. Zastup na wšěch třoch koncertach je darmotny. Na kóncu budže kolekta.

Recitacije a pišćelowa hudźba

Wječork pod hesłom „Putnikować za měr – Liebt das Böse gut“ wotměje so wutoru, 3. oktobra, w 19.00 hodź. w Chróšćanskim Hórnikowym domje. Absolwujo ekumeniski putniski puć z kolesom přednjesetaj putnikaj Esther Koch a Karel Dolista na swojej staciji teksty wšelakich awtorow, mjez druhim Rosy Ausländer, Nelly Sachs a Martina Luthera Kinga, ale tež bibliske – a k tomu zaklinči pišćelowa hudźba. Je to přenje zarjadowanje lětušeje nazymy a zymy Chróšćanskeje wosady w rjedže „Pastoralne přednoški“, kotrež wosadna rada organizuje. Wšitcy zajimcy su přeprošeni. Esther Koch je hižo 20 lět z rjadowniskej wučerku a rěčneje terapeutku w Kamjenicy a ze swojimi recitacijemi w tukraju a wukraju po puću. Karel Dolista, rodzeny w Českej, hraje na pišćelach we wosadach w Praze a w Němskej. Wšitcy zajimcy su na wječork w němskej rěči wutrobnje přeprošeni.

Wšelake stile na pišćelach a bijadle

Pod hesłom „Orgel meets Rock“ wotměje so njedźelu, 8. oktobra, dalši koncert w rjedže duchowneje hudźby w Budyskej tachantskej cyrkwi. Započatk je we 18.00 hodź. Na pišćelach hrajetaj hudźbnikaj Carmen und Friedemann Wutzler a na bijadle Valentin Wutzler. Zdobom zapřijimaja dalše instrumenty jako překwapjenku. Zaklinča wšelake hudźbne stile, kotrež nawjazuja na tradicionelnu pišćelowu hudźbu, ale so tež přez wliwy kaž rock, jazz abo pop dale wjedu. Zastup je darmotny. Po tym budže kolekta.

Modlenje růžowca w Róžeńće

Na modlenje swjateho růžowca a před Najswjećišim su wěriwi sobotu, 14. oktobra, we 18.00 hodź. do Róžeńčanskeje hnadowneje cyrkwy přeprošeni. Pačerje budu serbsce a němsce spěwane.

Pomocna akcija

Towarstwo Cyrila a Metoda z.t. chce ze swojej nazymskej akciju „Łužica pomha“ tež lětsa diecezanskemu zwjazkej Carity w pólskim Elku pomhać. Tam wjesela so nade wšěm, štož w swójbje trjebaš, za džěci runje tak kaž za dorosćenych. Nadrobniše informacije kaž tež městnosć a časy za wotedaće darow budu hišće wozjewjene.

Wustajeńca dale přistupna

Wustajeńca, kotruž je Towarstwo Cyrila a Metoda z.t. składnostnje lětušeje 775. rónicy wobstaća klóštra Marijineje hwězdy wo serbskich wjerškach w zwisku z jubilejom před 25 lěty zestajało, je hišće hač do klóšterskeje kermušy, 15. oktobra, w rumnosći w přechodže z klóšterskeho dwora w Pančicach-Kukowje přistupna. Zajimcy móža sej ju wot póndžele do pjatka wot 10.00 do 16.30 hodź. a sobotu wot 12.30 do 16.00 hodź. wobhladać.

Nowy nabožny spěwnik za dźěći předleži

Worklečanske dekanatne dušepastyrstwo za dźěći je w lěcu nabožny dźěćacy spěwnik „Chwalimy Boha“ wudało. Dohromady 177 spěwow je rozradowanych do pjeć kategorijow, kotrež steja pod heslami „Z Bohom spočinać (rano) – Z Bohom skónčić (wječor)“, „Boža mša“, „Z wutroby jemu spěwajmy – na zemi a w njebiesach“, „Z Bohom přez lěto“ a „Zabawne spěwy“. Spěwnik smědža wšitcy, wšojedne hač wosady, pěstowarnje, šule, swójby a wšitcy dalši zajimcy wužiwać. Kupić móža sej jón za 7,50 eurow w Dekanatnym dušepastyrstwie za dźěći we Worklecach, na Chróšćanskej farje abo w Radworskim Katolskim dźěćacym domje „Alojs Andricki“.

Klětu putnikowanje ministrantow do Roma

Přichodne mjezynarodne putnikowanje ministrantow do Roma wotměje so klětu wot njedžele, 28. julija, do soboty, 3. awgusta. Wobdźělić smědža so na tym či, kotřiž su na dnju wotjězda w aktiwnej ministrantskej službě a znajmjeńša 13 lět stari. Kóšty wučinja za přenje dźěćo 500 eurow, za druhe 400 eurow, za třeće a dalše dźěći 300 eurow na wosobu. Dalše informacije, na přikład k přizjewjenju, budu pozdžišo wozjewjene.

Film wo hrě „Mór a lubosć“ wšěm přistupny

Předstajenje hry „Mór a lubosć“ móža sej wotnětka wšitcy jako film w interneće wobhladać – a to w třoch wariantach. Widžeć stej předstajeni rozdźělneju wobsadkow hłownych rólow dźiwadźelnikow w serbskej a jedne jako synchronizowana wersija w němskej rěči. Přístup na film je w interneće pod www.posol.de podaty.

Zakónčenje wustajeńcy „Čej’ da sy?“

Finisaža wustajeńcy „Čej’ da sy?“ w Budyskim Serbskim muzeju budže njedželu, 22. oktobra. Kuratorka Andrea Pawlikowa powjedže w 15.00 hodź. w němskej a w 16.00 hodź. w serbskej rěči posledni raz po njej. Na to scěhuje zakónčace zarjadowanje.